

永豐縣志卷之二十五

人物志

義行

宋

陳大有字昌隆上羅人紹興間國用不給詔天下豪傑能以私囊助國用者受職大有盡以所蓄獻上授光祿丞不受高宗嘉其義手書一層樓三字賜之學士揭傒斯爲之記

徐德潤黃沙溪人與羅開禮生同年月日時志意亦相得甚後同開禮勤王督辦糧餉爲萬石長

唐瑞甫中沙人爲同里吳淑祥養子甚得歡心淑祥歿廬

永豐縣志

卷

二十五

義行

一

墓三年後乃歸宗承遺命也

元

陳厥終泮右人元至太初年歲荒出粟二千石以助賑濟勅爲義民陳祥卿亦泮右人同時以濟饑授散官

陳以清泮右人嘗捐千金修學宮名鐫碑石追念邑尉陳自仁死難建旌忠閣於康王廟前祀之

徐文立黃沙溪人元末寇亂文立首出粟千石倡募義勇捍衛鄉里有功授官萬戶有弓矢駿馬之賜

丁朝佐字君輔南坊人由人材任官春皇甫市巡檢廉能有聲生平好義急公恩江有濟川渡邑人王輝割田四百畝贍渡輝死後鬻半於朝佐朝佐捐歸贍渡倡修石

橋助數百金以贊其成人多德之明洪武間以子節貴
贈監察御史

鍾士章字平甫閩田人陸族調貧嘗創書樓置三學館延
師教鄉曲子弟修造橋梁自羅富埠至石澣埠凡七所
恩江橋助修二石墩又捐田以奉宗祠祭祀曾巽申爲
作石澣橋記美之

明

范天柱東坊人洪武間輸粟賑濟詔旌義民

徐彥祀北坊廟背人輸粟賑饑宣德元年知縣題請旌爲
尚義

徐先得黃沙溪人正統五年歲饑詔勸民出粟賑濟先得

永豐縣志

卷二十五

義行

二

輸穀二千五百石有司以聞旌爲義民

羅修齡湖西人大盤山盜起朝廷命有司捕之修齡集鄉
兵三百人具白粲百斛以從正統六年復輸穀二千五
百石助賑勅旌爲義民

饒成彥饒助纏江人蕭煥珪社州人聶萬紀聶廉夫三都
人楊子勗五都人李德宏藤田人郭輔友層山人吳篤
範田心人徐先得三十一都人已上十人俱於正統六
年各輸穀二千五十石助賑皆旌爲義民

按徐先得當卽前徐先得但黃沙溪屬三十二都此
作三十一都此云正統六年輸穀二千五十石而先
得則於五年輸穀二千五百石俱不符合仍並存之

以傳疑 新增

吳鼎宗字雲齋田心人有勇力好施與正統六年從官兵
勦大盤山賊屢獲首領當道獎其功者數次

邵鳳陽將軍人正統九年應詔出穀一千石助賑有司以
聞勅旌義民國子祭酒李時勉有記

邵旭將軍人正統間應詔出粟二千石助賑事聞於朝旌
為義民

宋邦鉉滁溪人儀望曾祖應詔出粟一千石有司以聞旌
為義民子魁昂亦應詔輸金投散官

陳宣珪西坊人景泰元年尙義輸粟授七品散官

徐孜敏徐士貴徐孜顏俱北坊廟前人景泰間輸粟助賑

永豐縣志

卷二十五

義行

三

皆旌為義民

饒彝叙饒安靜俱纏江人天順二年各助穀二千五百石
入義倉旌為義民

王時誠富坪人天順二年輸粟二千石於象山倉以備賑
濟奉勅嘉獎

趙孚暉石陂人天順間輸穀助賑奉旨建坊旌為義民

陳貫璧泮右人天順間出穀二千石助賑有司以聞榮以
冠服陳英策英亮亦泮右人皆於成化間尙義賑濟

李宣且李宣樂天順間北直大饑二人俱遣子買麥抵京
賑濟詔賜餘廩衍祚額旌為義民御史宋元端為撰碑

記

梁請捐金買粟以助賑其他寬佃免債之舉甚多後以耆德受冠帶

邵澤將軍人成化間應詔出粟賑饑旌爲義官壽九十七而終族人龍珠亦應詔輸粟旌爲義民

劉隆東湖人成化丙午輸粟五百石助賑有司以聞旌爲義民

甯集吉藤田人成化丙午河南大饑集吉出粟助賑授冠帶邑人傳韶羅奎皆有記子朝佐集鄉勇從御史俞琛伍文定勦寇有功受旌

李敬詢祿江人成化二十三年出粟千石助賑旌爲義民宏治五年捐銀壹千兩助修儒學知縣王昂給獎

永豐縣志

卷二十五

義行

五

習隙長瀧人正統景泰成化間三次輸粟賑濟旌爲義民甯岳字集祉藤田人成化間出粟助賑授冠帶

張謙亨南坊人循禮好義宏正間邑中舉賑濟修城池創鐘樓改學宮修祭器建敬一亭翊助之力居多

邵元保將軍人宏治間出粟賑饑旌爲義民

甯長字集賢藤田人好善樂施建橋梁十餘所費數千金知縣王孝忠稱爲陰隲翁

謝珍字景儒謝坊人喆元孫宏治壬子鄉舉連中乙榜官南陵訓導改東光陞國子監學錄性忠厚嘗爲族里周困乏助喪葬比鄰有以女許人者旋欲背盟珍曲全之有佃夫貸金來償逋珍視之偽物也不受佃以勢不能

從原王求易因欲自斃珍遂還其券及卒御史謝階爲
作墓誌銘

徐近顏北坊廟背人慷慨好施輸穀賑濟宏治間知縣陳
廷臣獎以尙義

曾自勉村前人負奇氣有才畧正德間鄰寇蜂起廣東僉
憲王宏督師捕勦自勉率義兵迎之地方賴以無虞巡
按孫燧行保甲法知縣推自勉爲保長優以賓位王守
仁撫江西令有司擇富民能出粟以助軍餉者拜七品
散官自勉獨先輸粟聶貞襄爲文美之

王騰瑞舍下人邑庠生正德三年輸粟二千石賑饑勅封
英義郎賜以羊酒

永豐縣志

卷

二十五

義行

六

徐郊北坊廟背人濟困掩骼施粟給棺其子昭亦有父風
俱舉鄉賓鄒守益聶豹並稱其賢

帥朝達龍洲人陳雍濠里人正德間均輸粟助賑旌爲義
民

李養能藤田人正德辛未流寇犯境養能以鄉勇斬馘有
功鄉人劉霖謝蒙選曾輿輩俱作詩美之

江珙字得寶東坊人正德十四年六月宸濠叛王守仁起
兵吉安郡守伍文定與珙定策火攻珙以吏員理中軍
事至鄱湖王家渡阻風不進珙仰天祝告忽得西南風
遂殺首賊黃永瀆從賊劉金等十三人以功授河南斷

事

邵雅將軍人正德間應詔出粟給以冠帶

甯效吉藤田人富而好義嗣困恤急人假貸不能償輒焚券年踰四十尙無子效吉幡然曰積善可以回天後果生三子皆成立

甯朝泰藤田人正德間有司詣其家勸出粟助賑慨然指困賜冠帶不受

徐近璽北坊廟背人芳研子嘉靖元年捐百金修學宮復捐穀千石助賑又捐二百金建造郡城平理坊周典史胡巡檢死於官不能歸櫬皆厚以賻里人聶九鳳聘妻貧不能娶女父欲改適女不從近璽代備禮完娶徐迪鬻子賻官艾只一鬻妻償逋並賴其力得全

永豐縣志

卷二十五

義行

七

吳迪逸字愛園田心人嘉靖壬午歲饑廩餓殍葬道殮費數千金甲辰大旱出穀五百石以賑族鄰乙巳復旱又出穀一千二百石助賑次子思撫遇歲饑出賑穀一千石又捐田入太極書院爲歲時饌饗之需七子思魁萬厯戊子出穀一千二百石助賑又置義田贍族俱經奏題欽賜七品散官給帑建坊

曾自任自儀俱村前人嘉靖戊子兄弟各輸粟千石賑饑又割田百畝以贍里中虛糧知縣商大節以其事聞各有獎額聶貞襄爲作尙義碑記

聶齊二雙溪人嘉靖間輸穀助賑凡貧不能殮者施棺以葬屢經上憲褒獎勒名旌善亭中

徐瑞北坊廟背人嘉靖甲午歲大饑瑞受質出貨不責重
息乙丑春饑猶甲午貸復如之先是流寇攻縣城鄉民
入城避者隘不能容瑞首出數百金倡擴城之議宸濠
不軌助糧馬急公前後知縣咸禮爲鄉賓子祐官提舉
有聲

陳文珍北坊衙背人當逆濠叛首倡義舉郡守伍文定旌
其賢子璧賜嘉靖庚子甲辰歲大饑兩次助賑知縣凌
儒扁以尙義

劉籌字昭密以德壽膺冠服父泰有隱德籌幼穎異受尙
書於伯兄鑿例授都司掾當路者以儒吏重之時盜起
江南都司兵務倥偬悉以委籌勤勞不復自恤以持法

永豐縣志

卷二十五

義行

八

不利於監軍使迺力求去都司固畱越歲寇平而歸籌
孝弟仁愛恂恂然有古風以十善著聞喜拯濟人鄉里
待以舉火者數十家佃夫歲有所歉多所蠲除鄰有盜
籌稼禾者眾獲之謀聞於官籌具醢醢謝曰此吾舊鄰
迫於餒耳願姑恕之以俟改嘗客遊雲夢有夙負者告
曰非公活我何以至此願以子償籌焚其積券全之會
家以毒疫傳染兄若嫂病篤母陳氏方在堂籌亟歸定
省周旋二病之間竟賴以愈晚年以詩酒自娛雅歌古
調自成一家季子煥文補邑庠生購王陽明文集讀之
得聞良知之學時鄒守益羅洪先倡道東南籌遣煥文
受業煥文就鄉試歸籌病篤語家人曰吾以午時當逝

屆時果然

吳雍和田心人性寬厚敦禮節鄉邑稱爲善人朔望輒率子弟升堂肄家禮中程度者給紙筆以獎之素工書好吟咏每歲捐金助族人束脩延名師課子弟清明掃墓雖無後之墳亦及之或頽墮卽爲修葺其叔父運糧南京遭風舟覆有司責賠償雍和勸父助之得免拘迫御史王宸表其墓

蕭概標字東橋東坊人嘉靖庚申歲饑輸粟二千石賑濟旌爲義民

吳炅字載陽田心人嘉靖中寇作殺人盈野炅收枯骨葬之

永豐縣志

卷二十五

義行

九

陳良騰字汝升南坊人值閩廣寇發良騰領鄉兵守禦境賴以安知縣吳廉其能委辦丁糧鄉人咸服其公正勒名申明亭中

徐可久徐橋樟俱北坊廟前人出粟賑饑捐金修學及建橋施棺皆有實行知縣並禮以賓席

李日章祿江人好善樂施改修學宮助穀千石

周樂壬辰寇起嘗率鄉人禦之

徐裕

府志說曾裕

北坊廟背人任大同通判萬厯間輸穀賑饑晉秩同知給帑建坊

劉三陽字開之東坊人母早世父孱弱多疾三陽定省維勤及歿喪葬如禮待幼弟甚篤遇貧乏者輒周之邑修

學宮恩江橋與有勤勞上憲錫以冠帶後修六一橋復獎以尙義以壽考終

聶坎一雙溪人萬厯間輸穀賑饑助修恩江橋有司以聞旌爲義民

楊盛卿出穀賑濟知縣瞿式耜詳請旌爲義民

鄒琳七水東人萬厯戊子歲大饑次年又饑琳七首倡輸粟賑濟其有不及者計口以貸不責其息力不能償則取券焚之邑疫癘多暴屍琳七給棺收殮以百計列名郡邑旌善亭中其先世鄒作釗鄒居吉鄒陽當宏正嘉靖間亦能助賑累世有尙義風

聶光祚字泗元雙溪人孝友樸誠讓產與弟姪捐粟周族

永豐縣志

卷

二十五

義行

十

鄰兩舉鄉賓壽九十餘而終

吳世東田心人父雍朝有志建義塾以教族子弟未果臨歿遺命世東卽奮然爲之名曰尙蘭義齋齋甚宏敞中爲親賢堂堂後建天香亭文昌樓割田四百畝爲聘師及膏火之資

張啟信宏溪人萬厯間南京饑納粟賑濟勅建尙義坊賜冠帶

郭汝楫字三華層山人汝霖弟少商淮泗間致富恩江橋爲流寇所毀汝楫慨然助三百金修築又修禾埠下郊橋置義倉義學皆費數百金其他平糴周急之舉甚多縣令聞於朝給冠服

鍾性孚字省吾閩田人好施與遇荒歲傾困助賑全活甚多知縣禮以賓席僉憲王廷梅獎以扁額

帥相光龍洲人邑庠生篤孝友樂施與年二十失怙時二弟皆幼長養教誨凡父所遺業悉與之己無所私萬厯甲寅歲凶賑穀千餘石復施粥一月捐貲創本里石梁貸人不責其償鄉里義之知縣陸運昌舉鄉飲賓年八十三卒

吳以亮田心人性敦厚好施與凡宗支貧乏者悉賙給無稍吝貧人鬻產值既定每倍予之不以告人吉水土賊高以介犯境踞二十六都以亮助資率鄉人守禦

郭興鬻層山人捐貲建尊經閣前講書堂教諭陳升爲作

永豐縣志

卷

二十五

義行

十一

記

甯操約字博夫藤田人居親喪哀毀踰禮生平輕財重氣誼鄉人羅解元奎卒於南京操約厚賻得歸李直卿爲作傳

曾日昱村前人輕財好義歲饑出粟賑濟居恒篤學耽吟咏所著有嘉慶集年九十二以齒德授冠帶

姚騰甫二十六都人捐資修學宮遇饑賑濟施棺掩骼數以百計鄉閭德之

郭久道字恒父層山人邑廩生教讀數十年師範凝然論文必軌先正不以不遇而變同里邱山幼穎敏家貧不能從師久道收教之并給予衣食後山以貢生官訓導

嘗曰生我者父母成我者郭師也

劉如江坑田人樂善好施天啟元年捐金四百餘兩修建長溪石橋知縣瞿式耜獎以一鄉善士扁額

徐希貴字思泉黃沙溪人性渾厚多隱德嘗於道拾餘金數百兩守候三日失金人乃至默尋無所得憤泣欲投江希貴詰其數不謬還以金其人驚喜願以半酬德希貴曰吾誠欲之曷爲候爾三日不取其全而取其半乎事聞吉安知府延爲鄉飲賓獎以扁額

劉際安東湖人崇禎庚午應詔出穀五百石賑饑授冠帶張汝珍字崑白三灣人少孤力學事母至孝謹尤慷慨樂施全婚姻賑荒歎助義田以祀先賢立約所以淑鄉人

永豐縣志

卷

二十五 義行

十二

建館塾以待四方遊學之士遠近嘉之崇禎九年奉旨徵辟巡按劉宗祥薦江西貢監二十九人珍列第九命吏部叙用

國朝

鄒定之字天立水東人性任俠讀書裕才幹往往急人患難願治丙申山寇嘯聚里山劫掠鄉村爲害甚定之偵知賊情條陳方畧密上知縣鄧秉恒薦壯士鄒綰三綰四爲向導引把總張大傑乘除夕大雪直搗其巢蕩平之賜定之扁智過謀臣賜綰三兄弟扁才堪禦侮

鄧際遂潛溪人性孝友樂施與尤好作興人才卒時以義舉未終者屬其子附貢生有光有光性如父慷慨不吝

遵父遺命踵成諸義行恩江書院膏火故不足捐腴田二百數十碩助之縣西二十里地名回龍江爲吉郡往來孔道前設木柵洪水衝激屢修屢圯有光創建石墩堅緻密栗又修要道魚陂江橋費千餘緡行者利涉乾隆乙酉歲饑設粥助賑一月全活甚眾族祠倡修者七獨修者二其他恤貧賙匱施棺掩骼盛行難枚舉年七十裘文達爲文嘉美之子洪紱亦孝謹寬厚

徐泳川字溥泉北坊廟前人附貢生援例授州同知敦品誼樂善好施捐田百數十畝立義倉於族以備賑濟恩江橋綿亘半里許行者多失足泳川首捐金立兩旁石欄杆葛溪橋六一橋永甯橋石澣橋麻江橋均獨力捐

永豐縣志

卷

二十五

義行

十三

修倡興義學創建廟宇施茶藥給棺木凡事關利濟靡不力行嘉慶戊辰知縣李金臺詳報督撫題奏纂入大清會典

劉仁坑田人乾隆乙酉歲饑捐穀八百數十石助賑捐田三百二十餘石入族祠以供祭祀又捐修恩江橋欄杆邑有事關先賢者不惜千金以贊其成他如掩骼焚券諸義行難枚舉

陳錦祥字宗元西坊龍上人例貢生捐建文昌宮費四千六百緡並葺先農壇復費多金縣府以義行上聞議叙奉政大夫錦祥爲人有風概捐田增邑義學膏火士林美之他如助旅瘞齒育嬰等事不少恠遇荒歉減價

平糶以紓族困

鄒騰芳字會營北坊人國學生性仁厚力爲善獨建宗祠倡捐祭產賑族荒興義塾助婚賻葬養親舊之無告者費二千餘金又嘗軫念嬰女關心人材欲勉力爲之遽以疾卒子儀鴻繼父志捐育嬰穀五百石賓興卷貲田一百九十八石并助鷺洲書院膏火銀二百兩呈請當事歸美所生知縣畢光榮以其事 上聞

程飛濤水南人性慈和建本邑孔道涼亭凡三所續修葛溪橋石欄杆又施養濟院孤貧田畝并掩骼施棺修塚其費銀一千一百餘兩嘉慶十八年 旌表樂善好施

給帑建坊

永豐縣志

卷

二十五

義行

十四

鍾奕溱閩田人邑庠生性慷慨捐田一百三十餘石入合邑貢士莊以資考費捐田二十七石入合邑考棚以資修理捐田二百五十餘畝入本族譜會以資祭祀及荒年賑濟又捐金四百兩創立本族崇儒會以興文教其他敦本厚族修理橋路諸盛舉甚多嘉慶二十二年 旌表樂善好施給帑建坊

王我安名景壽以字行篠嶺人乾隆辛亥其孫瑚遵乃祖遺命捐會坊墩上田一百八畝入本邑恩江書院助膏火督學使獎以善氣調元扁額

李維瓊字作舟沙溪人布理問重建文儒書院捐田以助膏火共費一千七百餘金道光五年 旌表樂善好施

給帑建坊

張映彩字玉堂西溪人州同知文儒書院初興捐田租二百石以助膏火費一千二百餘金道光五年旌表樂善好施給帑建坊

王雲龍字在田均溪人例貢生捐田租二百石助文儒書院膏火費一千四百餘金道光五年旌表樂善好施給帑建坊

戴人龍字異人邑廩生仲弟偉人建造水口石橋凡三所費千金季弟淑人構靜觀日新二義塾課族人亦費千餘金皆聽命伯兄人龍人龍固貧而樂取爲善授徒鄉里館穀不自私蔬食菜羹泊如也

永豐縣志

卷二十五

義行

十五

吳心曾字商文田心人慷慨重氣誼習舉子業不售輒棄去順治甲午心曾族個人崇惟賴聚眾掠甯都蘇吳二副將領兵數千捕勦將入境居民皆駭散心曾與族人鼎以書招降之二將大喜心曾口不言功晚年惟飲酒種花以自娛鼎邑庠生亦有文行

李鶴音名聲舉以字行北岸人疏財重義凡賑貸周恤及建橋梁修道路諸善行莫不捐助又建瀧岡阡表碑亭捐田文儒書院以資膏火

李志祿字心齋沙溪人邑庠生助修文儒書院捐田以資膏火子自馨亦能承父志

賴宏迪蘭亭人樂善好施捐祭田置津渡造橋梁修道路

悉輸助必先死不能葬者備以棺苦饑寒者輒周之年
八十二而終

袁鎮圭鹿岡人國學生幼孤承父遺命修院前惠濟橋費
千餘金又建亭以便行旅鄉里稱其義

祝嵩高字光廷楊坊人輕財好義建要路石橋凡九所費
千金施茶給棺十餘年不少倦學使李宗昉獎其行

吳禧字天錫龍源人家初貧後課蒙漸致贏餘一夕自外
歸聞鄰家夫婦啜泣甚悲惻詢之則逋人錢數十緡追
索如火煎將鬻妻以應禧慨然代償之得全

聶作睦雙溪人國學生嘗捐田七十餘石倡族人建立義
倉荒歉有賴

永豐縣志

卷二十五

義行

十六

陳咸安字東崖西坊龍上人騰龍子性剛方正直好行義
舉爲族置田百七十畝以濟荒歉獨力經理眾產構造
總祠弁新支祠以妥先靈子弟能讀者教之力不足者
助之其姪茂涵以食餼貢成均

鄒然一然五俱水東人家甚貧業農爲生村之下游江水
發源於郭里二山每值春夏漲湧齧岸崩隄靡所不至
然一兄弟憫橋圯塌積耕耘之美歷年儲石修成七墩
架木其上名曰七星橋

李耀白五峯表人好爲善建造三橋無吝色凡有義舉悉
踴躍捐輸人稱其樂善不倦云

張上錫蠶溪人性好善樂施與每歲四五月間輸穀以賑

里中荒歉他如建橋修路施棺掩骼之舉皆趨義恐後
羅萬元螺溪人素好義倡建祖祠捐修橋路凡貧苦饑寒
者輒解囊以贈善行數十年至老不倦

鍾應昌高嶺人以修路建橋施茶諸義事稱於人

鍾爵一高嶺人獨捐修青雲步雲凌雲三橋於銅鑼坵又

建涼亭施茶水行人德之

何澤遠謝溪人其地有飯甑嶺峻險崎嶇行人苦之下有

溪流激湍病涉者多澤遠修路造橋不惜重貲

謝錫三字宸齋樊溪人性敦厚渾樸雅有古風捐租以助
文儒書院膏火知縣畢光榮獎其行又嘗施棺掩骼周

恤貧乏鄉人德之年九十一而終

永豐縣志

卷二十五

義行

十七

鄒光被字殿邦批坊人例貢生性孝友公直義行著鄉族
年七十督學使王鼎扁以修品延齡已上舊志

按舊志義行後復附以好義其間所載人物並無軒
輊茲合爲一門照依年代編次不別立目新增

宋芳沛字芬圃滁溪人例授州同知嘗建宗祠興義倉修

滁溪橋螺螭菴均費千金年八十二而卒孫緡字道傳

附貢生早世妻蕭氏撫二繼孤長繩武次繩祖教誨俱

成立蕭氏素明大義勉二子廣行善事以承祖父志捐

田五百石出粟二百石爲族中贍學賑饑道光辛丑海

疆不靖捐助軍餉至萬金

朝廷嘉其忠義

誌封

蕭氏恭人並追 贈緡知府銜知縣馮詢倡建鄉倉及

求志書院共捐金二千有奇癸卯創建合邑賓興試館
於省垣費金萬餘緡又代邑中貧民輸逋賦銀二千兩
厥後修城垣河堤建石澗橋雷祖廟廣濟庵皆傾重貲
不吝

劉紹書字理堂雙嶺人例授州同知加四級性慷慨好義
咸豐丁巳 聖廟被寇燬紹書捐貲獨建丹漆一新邑
有平政橋爲城南門要津復葺石完築行者利涉以外
所建石橋約二十餘所同治初倡建議首書院紹書慨
然先以千金助石馬市義倉旣耗易簣時命子孫捐金
千緡重興之其餘若襄軍餉修城垣葺理養濟院皆不
存吝意計所爲義舉共費金三萬有奇年六十九卒

永豐縣志

卷

二十五

義行

十八

鄧松操漕溪人例貢生輸穀一千石助賑已上新增

人物志

良善

明

徐芳盛北坊廟背人孝友信義鐫名旌善亭中郡邑俱禮
爲鄉賓聶貞襄毛東塘皆有傳記

范舜作西坊人幼習儒業與石井張可用遊學楚城共砥
善行嘉靖初邑合商大節知其賢事無大小多就咨訪
舉鄉賓不赴

曾天然字念池下西坊學背人性慷慨施棺給藥善行良
多里黨咸重之按臺葉旌以天德懋修扁額刑部薛並
表其閭壽八十五卒

永豐縣志

卷二十五

良善

十九

高疊山字惟厚坪溪人天資穎敏博學能文儀部聶靜太
常陳慶郭汝霖皆相與爲莫逆交晚構堂軒捐貲建祠
多所賑恤邑合吳上其事於直指使禮以上賓

羅尙觀施教有方

王瑛公直耿介教訓有方

李彬祿江人工吟咏孝友著家族賑饑及鄉閭修橋施棺
好賢禮士皆有實行士林重之

張國卿字雙橋湖塘人樂善好施貧不能葬者給以棺饑
賑以粟壽九十二卒

王伯彥珠溪人尙義好施輸粟賑濟修橋梁恤貧寡制行
端慤里黨交推

王造槐篠嶺人耿直有守鄉里中是非多取決每以此招
忌性敦厚屢爲人貸假富室償不足數輒出己有以益
之嘗販穀往郡城命舟子出糶舟子悉鯨吞造槐詣其
家索之舟子計窮將鬻妻以償造槐愀然止之有族人
商於外以數十金託造槐挈歸中途遇劫盜造槐棄己
貨而約族入金於臂以逃還其家

黃季雅杏塘人邑庠生幼失父事母以孝聞祖廷鸞墓久
失所在季雅齋沐禱告祈以夢示是夜果得夢季雅曰
如果信也願再示之復夢如前明日跡之遂得訓導俞
元直美其行贈以詩

郭子隆字竹莊層山人弟貪傲弗馴子隆以家產讓之己

永豐縣志

卷

二十五

良善

二十一

僅取十之二而已年三十餘遽卒其後嗣漸蕃衍人以
爲子隆餘蔭也

國朝

湯應邦字觀我少習儒業復精醫生平孝友慈惠足不履
公庭長厚爲鄉里所推重順治間按臺米獎舉良善知
縣儲曾申詳獎以清世儀範壽八十五終

羅文炳字星垣下西坊學背人幼孤事母克盡孝養撫二
弟婚教成立母病籲天乞代尋愈壽至八十有八家雖
貧人有急難輒傾囊以濟教人以孝弟耕讀爲本康熙
間巡撫董獎以姤修可式

陳幼心字開文上西坊廟下人邑庠生謹厚端恪自幼以

孝友著待宗族鄉里樂易和平多所賑恤人或以無禮犯之怡然不校居家惟日以詩禮仁讓訓子姪老而不倦壽八十五終

李可益字素友早孤以力耕養母孝謹謙和受侮不校恂恂若愚生平樂善好施爲里黨推重知縣魏繼樞舉鄉賓卒年九十有六

姚時行字養潛水南人力耕養親喪祭循禮節弟幼得瘋疾撫育備至及長分己貲以成其家性慷慨扶危濟急閭里賴之遭橫逆怨尤不形退居山林間罕與人接教家以耕讀積善爲本年七十知縣李徵泰壽以文舉鄉賓辭弗就卒年八十有三

永豐縣志

卷二十五

良善

二十二

陳子奇字平叔上西坊龍上人邑庠生孝友睦婣足不履公庭濟人利物鄉里中多賴存恤修恩江石橋捐資首倡邑宰獎爲善士康熙三年中丞董以行堪儀世表其閭

劉天相江背人制行端恪事後母以孝聞見族屬强悍者輒以禮義律之鄉里貧乏不能舉火者多方賑助知縣魏繼樞重其德給扁以旌

胡以忠字純初西塘人誠樸謹厚孝友睦婣於鄉族多所賑恤修理橋梁與有勤勞居恆以忠厚教家足不履城帑者三十餘年壽八十四終

陳恩宗字繼春東坊人性謹飭敦崇古道勇於爲善鄉里

間多所賑恤修學宮橋梁厥功甚鉅邑宰上其事巡撫
褒嘉榮以冠帶數請賓飲辭不就知縣張映室王際有
馮肇楠俱有讚壽八十終

王允昌舍下人孝慈友恭樂於爲善興立社學都鄙入庠
者咸賴其教倡建義倉鄰里有饑者並資其食壽九十
有人猶饗饒康強親見六代曾元五十餘人縣令屢請
賓欲不赴

陳昌言字告臣西坊泮右人邑增生性仁孝敦品力學樂
於爲善設義塾建鄉倉興廢舉墜不告勞亦不惜力年
八十知縣鄭啟扁曰士林人瑞及九十督學徐獎以爲
國之琛壽九十六卒

永豐縣志

卷

二十五

良善

二十三

解以忠字蓋齋上西坊人州同知父歿奉繼母孝養備至
撫弱弟及兄遺孤飲食教誨以至成立接人藹然有禮
從不言人過失凡邑中修建暨賑饑掩骼諸善事罔不
殫力乾隆己巳制府黃檄郡縣舉善士以風世知縣江
伍圖條列其行誼以應制府報可表其門曰旌善

孫建業

原姓劉

字宏猷上西坊諸生有學行力於爲善嘗捐

金修復 文廟鐘樓羣英閣六一橋又輸穀設倉以賑
凶荒捨棺造舟建亭施茶人皆德之知縣陳材高其行
誼獎以有斐君子扁額年九十一卒

鄒昶字曉亭水東人邑庠生援例入貢性慷慨好義樂育
人才倡率都人士構集賢書院延名師爲山長多所造

就

曾天祐村前人邑廩生幼聰慧工詩文輕財好義交遊遍江南北後因訪友廣陵襍被而往遂不返

聶起莘字耕來雙溪人邑增生武舉聶泰長子事親孝處兄弟友愛無間言家雖貧樂爲善倡修順濟橋葺理祖祠掩露塚修道途施茶藥悉仗助有差

王輯敬字恂齋沙溪中埠人歲貢生居恆惟喜培子弟育人材時自攜一卷娛雲林泉石間泊如也鄉人士聞其風者至今思之

張天錫字人長三灣人邑庠生明徵辟孝廉汝珍之孫有才幹持己廉公而接人以和賢愚交推無間言嘗白窮

永豐縣志

卷

二十五

良善

二十四

聞之苦於官長鄉邑德之其歿也一鄉之人醵金弔祭咸惜其終老諸生而施不及遠云

張煌字穆齋三灣人邑廩生性剛毅言動不苟見者肅然爲族中建祠宇修家乘訓飭子弟以大義一生作字皆端楷好學深思每廢寢食手鈔書近千卷多技能通堪輿星象諸書所製羅經漏箭不差黍晷鏤刻器物亦皆精絕木工率自以爲不及也

王貞元字達道篠嶺人性孝友安貧力學嘗受知於邑令胡仁濟卒老於試意恬如也年八十餘猶手執一卷矧矧不休篤信果報之說恆鈔錄古人遺訓以示勸

王鵬飛字搏萬篠嶺人附貢生性嚴正見者肅然宗族數

百家綱紀賴以維持數十年安處無事子圖字厚培亦
附貢讀書端品如其父而性較慈厚有遠鄉贖質者錢
不敷窮窘而歸涕泣過圖門圖詢之具道所以卽解囊
代償贖質者問姓名圖乃託言曰吾亦暫作客於斯錢
不望汝還不必知我姓名也

甯鳴琴字尙周藤田人家甚貧日常不舉火幼自塾歸無
所得食輒啜茗而在應童子試終不遇門弟子願時有
得售者所獲館穀不給於妻子而悉以奉母老猶好學
多書古人格言以儆世倡修祖墓之頽圯者凡數十塚
年八十四卒

郭占魁字梅川層山人例貢生幼孤事母以孝謹聞兄亡

永豐縣志

卷

二十五

良善

二十五

撫恤羣猶子備摯獨力建祖祠興廢祀閭適養性構蘭
雪齋與親朋觴咏其中通醫理時製煉藥散給族里活
無算課子俱成業以四子儀霄 贈徵仕郎內閣中書

吳標字梅川中沙人徙居秋江爲諸生有名授徒數十載
點竄課文嚴以法程不辭勞瘁門弟子多所成就後以
耆老應試例得 恩賞三次授國子監學正年八十餘
卒

謝庭芬字蘭圃謝坊人乾隆丙午科武舉人偉風姿尙氣
誼在京邸與同邑張進士瓊英同郡歐陽堃趙本治兩
孝廉相友善詩歌倡和無虛日屢經銓選不遇歸而困
益甚或不能舉炊終磊落豪放日閉門嘯咏作書自娛

年逾五十卒識者惜之

甯嘉謀字掄魁藤田人事母孝謹與弟嘉猷友愛甚篤出入必偕性敦厚不妄語言與人語惟恐傷之所居近市塵距官署咫尺常閉門寡出絕不一事干謁閭里共推長者

黃理字虎文杏塘人性恬靜不汨世俗應童試不利卽鍵戶獨居研精古籍年八十餘卒

黎之侯字屏藩雙溪人邑庠生事繼母有禮處宗族和而嚴歲荒有同學友家數口餓且餒之侯自食粥數月節其米以餽友賴以全活之侯死其家以貧議卻弔祭有族人夙爲之侯所懲後改行以成家業者固求進哭奠

永豐縣志

卷

二十五

良善

二十六

并賻以金

張士表蠶溪人性公正歲時祭祀子姓羣集必以讀書敦品爲勸家僅中貲而於本里橋路時加補葺凡有以急難告者必應其求無稍吝

戴敏政迴陂人自幼聰慧好讀書因族務煩擾遂匡理軍費無稍懈族子弟每與外鄰競鬪敏政訓以安分退讓爭競寢息兄弟早析爨弟窮乏分己貲以周恤之皆成家業

已上舊志

程大霖字寬仁水南人幼慧知書痛早失怙遇生忌辰必齋必祭遊京師迂道進謁九華山祈益母壽所愿關津興建廢弛時蕪湖大饑大霖獨捐二百金助賑他如散

粟救荒施棺掩骼之事皆力行不倦嘉慶十一年丙寅
知縣李金臺舉報善行

陳大章字著圃大園人邑廩生屢應鄉試不售因以明經
就司訓職歷署鉛山長甯等邑性敦厚嘗刊善書施方
藥凡足禪世教拯疾苦者無不樂爲之尤精眼科旁通
星卜六壬陰陽諸家說求者輒應壽八十三無疾而終
鍾其英字北山閩田人邑庠生性純樸奉親色養無違事
繼母仍得其歡心有弟三皆繼母出母歿並力爲完娶
董理族務襄事學宮城垣備極公慎教授生徒師範嚴
肅晚歲赴鄉試得恩賜副舉人年八十七無疾而終
已上新增